

O la'u upu e ola

LPSL Tavita

O la'u upu e ola
E pei o aloi o le afi e talali
sasao ma sisiva i le fati a le
savili e tafia le asu aga'i i sasa'e;
Ua mili mata o le tama
ma fetui le umu
ae valu popo a le teine;
ae tamotu e le toeaina si'usi'u o le i'a
sa ma 'ata i le taua a toa—fai mai a ia,
E pei se misa a ni fafine.

O la'u upu e gaoioi
E pei o uluulu laau i le la'i
poo se afā fulifao ua to'atama'i:
'Ia le'i po le asō a ua oo mai le
sala a le tou aiga.'
Poo se misa a tua'oi o leo fetalia'i;
Na u e le atualoa le lapalapa o le
loomatua a o tatalo;
Ua fufula ua faapea ai le
maitaita. Ana leai poo penei foi o
'ata leotele.

O la'u upu e Samoa
O loo ola i lo'u loto
I la'u manava talanoa pe tatalo;
E le mate la'u upu, e le pei
o lena a Dickinson a o se fatu e
pa'ū ma toe ola ma liutino atulasi;
E le pe la'u upu, e le pei
o lena a Sandburg ma lana vai mate.
O la'u upu e ola o loo tafe aga'i atu i le
puna o manavaga uma.

